

序

蓋聞輶軒問俗太史於以採
風因革異宜臧方但期考信
而部居州次門類實繁考古
証今見聞不一惟遵法在於
率舊斯踵事可以增華夫莫

高匪山峻極而尊崇者為嵩
為岱有孚習坎奔騰而浩瀚
者若江若河雞鳴日觀有竒
峯名俱特著桃浪鯨波成巨
浸瀆則稱宗然碧岫青岩游
屐難誇小魯抑負舟利物濫

觴豈盡靈源粵考燕川舊為
原國星分角亢地屬懷而野
宿懸殊境界冀并縣始秦而
歷多析併漢晉名因沁軹舊
治堪稽隋唐邑號濟源今城
乃建顧其名而思其義稱謂

攸宜沛其澤而廣其施遐邇
胥賴蓄藏於天壇之谷莫能
溯所自來始見於太乙之池
未嘗見其盈竭伏流百里二
源湧出於原城匯作千倉獨
行直趨於渤海以故列為四

瀆之一爵等諸侯因之崇以
歷代之封禪明祀典以為川
之效靈如有本原泉究皆
山之綿亘所為永撐地軸車
蓋聳如王屋日出見於夜分
天壇建自軒轅霞彩時垂倒

影左日精右月華
銳凌霄漢前華蓋
後五斗列若屏
宸清虛為第一洞
天猥云小有御
愛實萬年虬
榦久受榮封至
若太行迤邐而
東趨勢如蜿
蜒大河紆迴而
南繞不假隄

防沁水走龍蛇資其利者四
國郃原雄鎖鑰扼其要者重
關山川之勝概既多非徒以
供瞻眺風俗之敦龐近古尤
足以見人文爾乃地以人傳
於盧則有玉泉於李則為盤

谷景因詩見傑作多於唐宋
雅歌數見元明名宦首重房
陳歷代循良接踵鄉賢不徒
徐傅

熙朝人望繁多忠孝乃間氣特
鍾寧必捐軀刳股節義為清

時雅化允皆高行貞心戶益
丁增見

聖世生聚栽培之厚荒開糧擴
誠有司勸勤策惰之能堤防
渠道之必興非實政實心何
足以永資利益彰善癉惡之

俱實惟是乾是惕斯有以化
導愚頑凡茲舊乘敷陳罔不
採經而據傳况經前賢訂政
何妨挹彼以注茲第纂編在
仁廟之初年風土人情歷久已多
變易適檄飭奉

上憲之公牘紳衿士庶詢謀
遂爾僉同植學媿雕蟲才慚
積玉錢穀簿書之鹿々未便
搯觚風塵酬酢之紛々何從
搦管爰聘高賢於越右東陽
俊彥經笥素號便々

謂沈
更

求碩德於鄰封中立才華錦

字共欽灼

謂楊王政

經赤奮攝

提之寒暑為綱為紀牙籤早

已犀分迨執徐荒落之冬春

載校載讐梨棗爰開剖劂審

慎於公餘之暇而魯魚亥豕

之必嚴考核於節目之微而
參互考訂之期當沿革溯所
自始建置各按其時而疆域
山川瞭如指掌養民水利為
先造士學校為重而臧官人
物燦若列星懿行重為表揚

未遺寒儉藝文摘其藻采不
掩英華所欣攻藉他山可析
疑而質信更賴邦多君子資
博採而旁搜方今

聖治日隆允矣時雍化洽况復

皇恩遠播休哉惠澤光昭

各憲體愛育之仁惟期實踐
有司任撫循之職豈尚虛文
則百里非遙利貴興而害貴
除寧祇空言紙上羣黎在念
老宜養而少宜育何能盡載
篇中謹勉步夫前塵敢邀虛

濟水集卷之八
月
譽庶有徵於信史願質大方

皆

乾隆二十六年歲在辛巳仲
春之吉濟源縣知縣皖江蕭
應植撰

玉川志舊序

濟源舊有志載輯於天順七年于時事艱於創始諸
或載而未詳詳而未覈矧歲遠時遷簡帙益殘其于
世風之丕變人物之挺出文章之創作規制之鼎新
舊本弗克槩之也夫濟爲汴西首封朝宗勝槩其川
嶽靈異降生英傑若漢之四皓唐之張裴盧李宋之
三陳磊落竒偉誠有超於河北諸邑者志可弗脩脩
可弗詳詳可弗覈乎予自已未夏承乏茲土欲更而
新之以冗奪且愧才之弗逮是年莫春入覲還謁聖
會講於明倫堂因托筆於余吳王三公復分採於通

庠士夫及鄉耆之諳達者閱數月而脫藁矣適彥博
司公以署庠來從而參伍古今隲括記傳以世風則
有紀以人物則有稽以文章則有集以規制則有考
據載而詳詳而覈謂不有裨於舊志矣乎因重梓之
爰序於廉公堂

嘉靖壬戌歲黃鍾月朏四日黔南李資元書

濟源縣志舊序

濟源古王屋東周畿內地也山川領袖懷孟其風髣髴魏唐守原出陽城向散見于左國竹書諸編而其乘不傳自隋文帝溯禹功于導沈縣治始因瀆以名厥後泉甘土肥喬木畫圖唐韓宋蘇之所健羨標隱逸而景儒宗今猶振響山水間使秦漢以來文獻足徵則聲名文物與玉川雲霞之氣相蒸蔚當不啻寥寥載籍者志之所係固不重與大司馬中丞賈公家世龍門羹牆良史秉鉞下太行時已括形勝于覃懷而檄郡縣纂圖籍尤欲周覽西北徼以全天中大

業時明府辜公甫任惟寇燹燎原之後不憚遺一版
為難越明年延學博石攻玉孝廉許士造等肆力攬
撫乃得舊志二卷創自明之天順脩于嘉靖末屬余
潤色以成余覽而病之如叙山川而以浙中天臺為
天壇置龍潭龍水于濟渙之外叙人物而以名宦陳
秦國為首陶人郭太為號公之類紕繆頗多然當年
既懸之邑門改絃而鼓勢固不能勦訛與雷同抑又
不敢且由嘉靖至今荒唐垂百載而欲以里居之寡
昧續不朽母乃速官謗然邑人士羞雖然一邑猶一
家也家有譜傳自宗老掌記殘缺罪在我後之人矧

國朝版章再造方將廼十數年生聚賡歌唐宋遺風而坐
令杞宋興嗟如臣誼何爰是遐稽旁蒐綜爲十類弁
跋以數言有昔闕而今備者武秩武科封廕之尊

王制是也有昔詳而今畧者坡嶺溝澗泉石八景之從大
體是也有昔散佚而今裒輯者山川之外綴以古蹟
人物之後彙以叢志是也名宦鄉賢諸大典率遵先
輩何文定公郡乘例其餘凌雜未墮多取衷於舊志
乃未脫藁而辜公以病告別駕全公來視篆抑又出
入師虞三閱月明府胡公至勒限殺青余不獲已乃

卽以是報 中丞公命

皇清順治十七年相月穀旦

賜同進士出身原任廣東道監察御史邑人劉漪撰

濟源縣志序

天下之故因革而已矣當其革者不言因當其因者不復言革因革之端循乎自然天地且不能違而况於人乎損益者所以善因革之用者也損之益之迹似乎革然不過損之益之而已其實皆因也昔孔子論三代之禮言因而不言革而損益之權神乎其間所謂百世可知者知之以其禮而已矣知其禮之所以損益者而已矣禮徵諸載籍而史氏之職以重故古者天子有史官諸侯亦各有國史掌記其國之大事小事書之簡策以備損益之用若晉之乘楚之檮

杞魯之春秋皆史也秦并諸侯置郡縣於是列國之
史亾而郡縣之志作志亦史也漢高祖入關先收秦
圖籍以此得周知天下阨塞戶口多寡強弱之處前
漢郡國計書先上太史後上丞相後漢公卿家乘始
集公府後上蘭臺是郡國之志乃一代之史書所由
本而損益所由出也志固不重哉孔子曰吾志在春
秋行在孝經又曰我欲載之空言不如見之於行事
之深切著明也而左氏曰春秋之稱志而晦夫志所
以章物蓋言顯也而反謂之晦將物之顯者易見而
晦者難明其旨遠其辭微文見於此而起意於彼故

謂之晦歟抑在上者操損益之權故其事明在下者
存損益之旨故其志晦歟然而志難言之以言天道
則星野次焉以言地道則疆域分焉以言人道則賢
否判焉以言神道則祠祀秩焉以至紀山川而覽往
蹟若物性而奠民居審機祥而定賦稅考風會而稱
著述古今氣運之淳澆賢才之盛衰政事之得失咸
憑文人三寸之管以上下其間不亦難哉濟舊有志
一脩於天順癸未再脩於嘉靖壬戌增脩於順治壬

寅今

大中丞閻公撫豫之三載政舉人和百廢俱起復畱心

中原文獻檄大河南北郡邑博採典章搜羅遺佚將
彙爲一代成書而溫陵尤公乃以其事屬余余遜謝
至再不獲已乃退而思曰一邑之志非一邑之志而
實一代之史則一邑之志非一人之文而實天下之
文也以天下之文章譔天下之故實而我無與焉其
亦可矣天順嘉靖二志尚屬草創而其書已不得見
僅存其序壬寅一編遐稽旁搜謂較前志爲大備然
濟源角亢分野而誤從室壁則於天道容有可商漢
書地理志波有絺城左傳曰王與鄭絺水經注湨水
又東北逕波縣故城北明卽其地而引爲汲縣廢地

則於地道容有可考人物捨角里先生而首徐有功
又張禹郭文徐有功張廷珪溫造裴休皆有本傳而
概未登則於人道容有可議五嶽四瀆國之大祀祭
典宜專濟瀆乃先通祀而後濟瀆則於神道容有可
叅夫觀天察地敬人事神乃網紀之大者而尚多差
缺然後益歎作述之難而從事者之不可以苟焉而
已也於是晝訪名山夜翻青史不揣固陋謬有損益
要亦皆時至事起增乎其所不容不增減乎其所不
容不減因其已然而無所容心於其間是或可以告
無罪焉爾若夫前後論序惟抒己意未遑計其工拙

筆削未精以竢後之君子獨是王屋名山濟瀆大川
名山大川之間當有賢人者出佐

聖明以損益天下明千百世不弊之道而恨未之見也余
於纂脩之餘蓋不勝掩卷而遐思云

時

康熙二十九年歲在庚午孟冬初吉

賜進士出身前知四川順慶府南充縣事邑人段維袞撰

續脩濟源縣志序

縣志一書有關治教雖所載不越提封四境之中然自數千百年以來陵谷變遷風俗移易人文盛衰悉係於此膺纂修損益之任者苟搜羅不廣詢訪未周則紀載失真亥豕終誤雖將文飾簡編華而不實盛衰得失之辨民風土俗之宜山水人文之運茫無攷據復何補於治教哉濟源縣志修於我

朝順治己亥庚子間固去今未遠也所以詳畧異同未稱醇史者蓋因所得遺稿乃天順嘉靖間草創之文上下百年灰燼缺畧其疵謬疑誤已不可問矣若非

前入臺諫劉公史裁博雅補闕析疑備詳畧以垂考
據則今日雖欲續脩增美抑又難於摸索耳近歲庚
午

大中丞閣公節鉞中州化洽時雍因欲重脩省志以昭
文物之盛遂遍檄守令纂輯舊志維時前令尤公應
運延邑紳泰州使君段先生暨嗣君南充段明府共
董總脩纂脩之任甫脫稿適

中丞閣公移撫黔中未經質成及再奉

大司馬中丞顧公命而前令尤公又復陞任寧紹邑紳
段先生喬梓先後凋謝矣應中以甲戌仲春甫蒞濟

邑下車之日環視四境但見太行如屏黃河如帶濟
沁遶東郭之流西山據西河之險形勝壯麗今古名
區也然而荆棘弗剪煙火未稠黎元猶瘠豈亦今古
同然歟因翻閱邑乘見有新舊二稿舊者旣多缺畧
同異難稽新者亦復瑕疵大雅未備因延訪紳士始
知邑志一書奉檄纂脩已經五載而從事是役者僅
及兩旬耳夫以急遽倉卒之間而盡括數千百年之
蘊欲其聯如貫珠潤如美玉庸可得乎哉獨惜老成
凋謝莫竟前功亟敦延昔同事參訂之邑紳璩君昆
季孝廉李君重脩前業博採旁搜山川辨其異同人

物別以流品事畧其繁文採其實往復參酌疑義共
析迄於今夏而全書告成應中受而讀之仰而嘆曰
民社治教所關備于此矣夫濟邑形勝之美山川之
廣也山川之廣田野之隘也雖云濟水通和室麥然
僅東北一線耳餘皆崇岡複嶺石厚土磽苟人力天
功所不至則歲收常歉歲之歉民之瘠也况地接三
晉夙遭流寇蹂躪之餘荆棘榛蕪荒烟滿目邇來數
十年生聚休息稍有今日所以事久功緩未躋全盛
者蓋有由來矣今

聖天子至治日隆文德丕昭聲教遠播尤加意黎元屢市

帝澤故培養日久則生聚日繁生聚繁則民力足民力足則田野闢田野闢則荆棘剪拔烟火萬家佇見躋吾民于全盛追上古之醇風者其在斯乎其在斯乎若夫濟邑名山大瀆靈氣所鍾人文蔚起等千百年而上者是所望今之君子與後之來者云 崧

康熙三十四年歲次乙亥仲夏濟源縣知縣黃應中
撰

濟源縣志卷首目錄

卷首

脩志姓氏 凡例 圖經

卷一

沿革 星野 疆域 形勢 風俗 土宜 祥異

卷二

山川 古蹟 陵墓 寺觀

卷三

建置 城池 市鎮 公署 里甲 學校 舖遞 倉廩 關梁 坊表 橋渡

卷四

漢書卷之九
九
祀典

濟瀆

卷五

祀典

文廟

壇壝

祠廟

卷六

水利

堤防附

卷七

賦役

戶口
積貯

田賦
蠲賑

鹽引
曠典

稅銀

卷八

職官

名宦

卷九

選舉

薦辟
武職

進章
武研

舉人
掾吏

貢士
封贈

例貢
襲蔭

卷十

人物

宦績

忠烈

孝義

一行附

卷十一

人物

文學
仙釋

寓賢
方技

隱逸

卷十二

列女

卷十三

藝文

歷代御製
議論辨

表疏

古文

卷十四

藝文

傳表

序

銘

墓志

卷十五

藝文

碑記

卷十六

藝文

詩

賦

卷末

識餘

古事
辨訛

雜志

修志姓氏

鑒定

李傅巡撫河南等處地方提督軍務節制滿營管軍理河道兵部侍郎兼都察院副御史胡寶瓌

安徽歙縣人

李少孫都督都察院右都御史督理撫河等處兼提督節制倉儲營務監營務吳達善

滿洲正紅旗人

巡撫河等處地方提督軍務節制滿營官兵兼理河道兵部侍郎兼都察院右副御史常鈞

滿洲鑲紅旗人

提督河南等處學政翰林院編修秦百里

山西鳳臺人

河南等處承宣布政使司布政使台柱

滿洲鑲藍旗人

河南等處承宣布政使司布政使喬光烈

江蘇上海人

河南等處提刑按察使司按察使蔣嘉年

奉天鎮藍旗人

河南等處督理驛鹽水利糧務道歐陽秉祊

廣西馬平人

分守彰衛懷兼管河北河務兵備道吳虎炳

江蘇山陽人

懷慶府

知

府

府薩寧阿

滿洲正紅旗人

懷慶府

知

府

府沈榮昌

浙江歸安人

懷慶府

黃河

同

知

知白樹屏

奉天正藍旗人

懷慶府

糧捕

水利

通判薩廉

滿洲正藍旗人

纂修

濟源縣

知

縣

縣蕭應植

安徽懷寧人

分修

濟源縣

儒學

教

諭

周圖柄

固始人

濟源縣

儒學

訓

導

孫雲錦

洛陽人

分級

部

原

鎮

巡

檢寧廷棟

湖南善化人

涿

源

縣

典

史張世傑

浙江山陰人

參訂

原

任

工

部

尚

書衛哲治

邑人

江

南

分

巡

淮

徐

海

道何達善

邑人

原

任

江

南

揚

州

府

泰

州

知

州

段元文

邑人

采輯

候

選

州

同李經國

邑人

國

子

監

監

生衛時動

邑人

國

子

監

監

生何雲書

邑人

校對

附

學

生

員尹文林

附

學

生

員侯麟書

增

廣

生

員郝奎光

增

廣

生

員段夢彪

脩志凡例

一沿革屢經考核較舊志加詳星野仍從舊志定為角亢而證以明史天文志明史成於

本朝信而有徵也若覃懷本冀州之域見於禹貢雖晉書以兗州為鄭分唐書則以鄭分豫其說不同然考之爾雅兩河間曰冀州周禮職方氏河內曰冀州是也疏曰冀地最廣兗最狹冀今河東河北皆在焉濟源在河北而界聯河東則定為冀州可也禹貢雖指冀南亦距河河自蒲州過雷首山折而東經芮城平陸垣曲及河南懷慶府之濟源孟縣溫

縣武陟衛輝府之獲嘉新鄉汲縣是為南河與豫
分界

一舊志疆域不載孟縣交界四境圖不載接壤之處
未免疎漏至濟源南臨大河其西南對岸為澠池
新安繪圖者亦宜補入

一入境而覘一邑之風土可以知治之難易與民間
蓋藏之有無天時地道亦于此可見舊志風俗土
宜似乎太略然亦有深意存焉今仍之而稍加潤
色

一山川必詳其原委亦必以類相從舊志錯雜今稍

加改正

一舊志有董仲舒灘及鄧通廟今俱已刪去其餘古蹟附會者多間有存疑以無從考證也

一建置各條仍遵舊志其近時之脩建增置已為補入且散見于藝文

一各志祀典首載

文廟舊志以濟瀆為先三代之前已有岳瀆且濟源因濟得名敘次之間不可不詳加商榷也

聖朝尊崇

至聖典禮極隆而從事之先賢先儒其位次亦多更定壇

墳祠廟各有新增所宜備書以昭

盛典若夫祭告之文

皇言為重敬載祀典不敢列于藝文

一濟源水利一則于倉一則秦渠由來久矣溫公簡
輿輿脩于前史公記言開鑿于後皆有造于濟者
本朝則甘俞余董諸公皆踵其事而廣其利遠稽近考故
較舊志為加詳

一賦役祇遵 功令但以現行為徵驗從前條款則
述其大槩不必連篇累牘載無益之數目也戶口
人丁原無定數而條鞭之法丁地均攤且

聖世滋生人丁永不加賦今志從略非敢疎漏也

一名宦鄉賢並膺祀典而忠臣義士尤足維風濟邑
在宋時則有傅公察史公抗明季閻李二君以微
員而殉國皆可與日月爭光者也閻載鄉賢李祀
名宦故敬書之

一近志選舉多以進士居前亦有先書薦舉或先書
貢舉者體例不一今志首薦辟次進士以進士始
于隋唐而薦辟始于兩漢且邑有張禹由薦為博
士固漢時人也

一志乘體例不為生者立傳雖事有可傳亦俟異時

論定惟孝義已經公舉及善蹟彰彰在人耳目者書之以示勸附錄一行仿于歐陽

一舊志列女先後錯雜今特為更正至節孝有祠

皇朝盛典為貞為烈皆以節著者也特其境遇與性情有不同耳一門雙節則連書之但能盡孝亦不敢遺至壽母為

太平人瑞載于列女之前而以慈母賢婦附于後亦閨中之一行也

一列女有傳始于劉向而後漢書倣之史家遂沿以為例志猶史也既曰傳則必略書其事蹟然見聞

互異貧富懸殊閨閣之中尤多幽隱正恐失實者多遺漏者更不少也

一藝文之志以人傳亦以文重必擇其尤雅者否則言之無文固不可以行遠也又必有關於本邑之地與人非徒取其詞藻也故有人與文皆無足取而志所不遺存題目也文以類從詩以世敘賦依郡志增入以寥寥數篇附于詩後

一缺者補之如濟孟為接壤之地而交界不書典史李公殉闖賊之難而職官不書其姓名皆闕略之大者也

一疑者存之如唐書徐有功傳不言何處人但云國子博士文遠孫也文遠傳亦不言何處人但云南齊司空孝嗣五世孫齊書孝嗣傳東海郟城人自孝嗣至有功歷世久遠而史家但詳世系不著郡縣則自孝嗣以來皆為郟城人無疑然舊志以有功為濟源人物謂其墓在縣東青龍里姑存其疑至溫簡輿太原人見本傳而舊志書之李鄴侯魏人遷京兆而舊府志亦書之今皆列于流寓

一誤者正之如范坦留題延慶寺七言四韵詩離為二首而舊志合為一首蘇軾題草堂詩第一章分

為二首且前後倒置此亟宜改正者也

一前明許州滑縣二志稱簡要而訪求未得余所見者康對山所作武功志止三卷然而質文異尚運會不同

聖朝文治昌明近日之脩志皆踵事增華不似曩時之固陋

古稱左圖右史蓋史之所書止於列其利害詳其原
始究其改革而已必筆之於圖而後方向步位道里
遠近令人如身遊其地可按摹而得漢置司空郡國
地圖唐表元和十道宋列元豐九域志皆掌之太史
班、可據濟邑於山得太行王屋之奇於水得河濟
之大於水利得古秦渠枋口之益且勝槩古蹟最多
前輩文人遊踪接踵雅詠盈編是不可以不圖爰繪
數篇於左

濟源四境總圖

太行山

北武當山

城

沁河

利源渠

利源渠

利源渠

五龍口

龍潭


縣城

三河口

洪河

南至孟


三十五里



西至山西道由縣界下百七十五里



縣城圖



閣門

門北



廟帝關



祠孝節




樓鐘




廟隍城




門西




縣治圖




學宮圖





王屋山圖

日精峯



洞母王

王屋

大壇

月華峯


大乙池

和原閣

陽臺院




濟瀆廟圖



濟水東源

濟水西源



河渠水利圖





濟為豫省邊邑西北皆與晉界毗連昔時南北混爭
濟為重鎮而山勢崔巍泉流遠潤長河如帶環繞而
南濟沁潛滋東北遂無瘠土是以習尚淳龐文風秀
麗代多顯宦科甲蟬聯睹茲繪事不假鑪錘洵屬天
然圖畫覺山陰道上不能獨擅其奇官斯土者何幸
如之

濟源縣志卷一

沿革

濟雖一隅東周之畿內地也春秋時苻賜晉鄭原締樊向俱在濟邑晉時軹關爲用兵要地周齊分界尤爲必爭之險隋唐代嬗建置彌繁而濟源之名實自隋始延及宋金改易未已始而瓜分繼而省并或兩國而疆土分割或一朝而名號遞更蓋自成周以來迄於元明迭廢迭興三千年矣茲特據二十二史志原其建置之由溯其更易之始凡舊志之糾轆者理之使清斷闕者聯之使續如水之流派必要諸源實

於史學有裨非徒邑乘之要領也志沿革

禹貢冀州之域 東周爲畿內地 春秋時初屬鄭

旋屬晉後又屬鄭爲原爲向向又爲高平 戰國時

爲軹先屬韓後屬魏 秦爲軹縣屬三川郡 漢爲

軹縣爲沁水爲波縣屬司隸部河內郡 晉爲軹爲

沁水屬司州河內郡 北魏爲軹縣爲沁水縣屬懷

州河內郡爲萇平縣屬東雍州邵郡 北齊廢沁水

入軹屬河內郡 周置邵州又置王屋郡 隋廢王

屋郡爲王屋縣又析軹縣置濟源縣屬河內郡 唐

初置西濟州又析置邵原溟陽燕川三縣其後廢州

省三縣入濟源又省軹縣入濟源置大基縣尋省置
柏崖縣亦尋省旋更名河清改邵伯縣爲王屋縣初
隸懷州改隸孟州 五代時濟源屬孟州又有王屋
縣 宋改孟州爲濟源郡領六縣有濟源王屋隸京
西北路又有河清縣屬洛陽郡 金復以濟源郡爲
孟州有濟源王屋二縣改河清縣爲白坡鎮 元初
改濟源縣爲原州尋罷州復爲縣屬孟州後以王屋
縣省入 明濟源縣屬河南省懷慶府

國朝因之編戶二十一里

歷代沿革年表

汾陽縣志 卷一

代

禹貢

周

年

武王封弟
原叔

總隸

冀州之域

東都畿內

地

郡國

原國

今縣
西北

有原城
故址

州縣

芮侯采邑

在今村

毛公采邑

在今田

召公采邑

在今原南

齊原縣志 卷一 沿革

春秋

桓王八年

宣王封仲

山甫為樊

侯

幽王五年

皇父作都

于向

樊國一名陽樊

通志以

為即今

裴城於

杜預左

合傳注亦

向國今縣

五十里

南山西

鄭采邑蘇公

原樊向平

原

王與鄭人

蘇忿生之

田十二邑

在濟者

十五年盟

向背鄭鄭

人伐盟向

王遷盟向

之民于郊

惠王十三

樊

左傳杜注在
野王縣西

向

四邑未復
復歸於王

年樊皮叛

王王命虢

公討之執

仲皮歸于

京師

襄王十七

年賜晉陽

樊溫原攢

茅之田

在濟

二者

晉

陽樊原

戰國

顯王十一年韓使計息以軹道

易鹿于魏

事在韓昭侯元年

慎靚王六

韓魏之地

軹國

韓都後屬魏

苗賁皇采邑

今苗亭

年鄭侯使

韓辰歸晉

陽及向二

月城陽向

更名陽為

河雍向為

高平事在韓宣

惠十八年鄭侯

即韓侯

晉魏人自謂

赧王二十

四年秦取

魏軹

二十六年

秦攻魏河

雍決槁取

之二十八

年秦拔魏

新垣曲陽

括地志
曲陽故

城在齊源縣西據舊志曲陽但陽樊六親已改年爲河陽况史記之曲陽前二載取河雍陽非曲陽可知杜預左傳注陽城在西野王通志

秦

漢

以為卽
今裴城
之理或近

五十年秦

拔韓少曲

高平

始皇既併

七國置郡

縣

高帝十一

屬司隸

三川郡

河內郡

為殷國
地高帝初

軹縣
今縣南
十三里

軹縣

年封公上

不害為波

侯景帝元

光五年國

除

高后元年

封惠帝子

朝為軹侯

四年國除

文帝元年

二年平
殷置郡

沁水縣
在今縣東北

水南俗呼王

波縣
水經注

水又東北
逕波縣故
城北疑即
今裴城

東漢

晉

封薄昭為
軹侯武帝
中國除

魏受漢禪屬司州
以司隸所
部河南河
東河內左

屬司隸

屬司州

河內郡

河內郡

軹縣

波縣

沁水縣

軹縣

沁水縣自西漢迄晉王

屋以西皆隸垣

北魏

北齊

農并冀之
平陽置司
州晉因之

屬懷州

東雍州

河內郡

邵郡
治垣
縣皇

與四年
治太和
中併入
河南
昌中復

河內郡

軹縣

沁水縣

軹縣

廢沁水
入軹

後周

明帝毓二

年于邵郡

置邵州武

帝平齊置

王屋郡

隋

王屋郡

初改

軹

北史缺志未
知所屬姑附
此

魏之襄
平為王

屋縣後

又置懷

州及平

齊廢州

置郡

河內郡

開皇初

王屋縣

開皇初
廢周王

初郡廢

改縣大

業初省

濟源縣

開皇十
六年析

軹縣入

之尋置

軹北

置縣

郡以王

屋濟源

二縣求

唐

武德元年

二年王世

充將丁伯

德以縣來

降置西濟

州又析置

屬

邵州領二縣

長年又置
長泉縣
是年以
縣隸懷
後省

漢陽燕川

邵原三縣

四年廢西

濟州省三

縣入濟源

以縣隸懷

州

貞觀元年河北道

分天下為

十道併省

懷州

孟州

濟源縣

武德二
年置八

年省今縣南
五十里

軹縣

濟源縣

貞觀元
年省軹

縣入仍隸懷
顯慶二年來
屬

州縣

河南道

河南府河清縣
本大基
武德八
年省咸亨四
年復置並置
柏崖縣尋省

柏崖先天元

年更今名會

昌三年隸孟
州尋還

王屋縣
初名邵
伯隸邵

州貞觀元年

州廢縣隸懷
顯慶二年復

名王屋來屬

孟州

濟源縣

五代

宋

政和二年京西北路濟源郡
改孟州爲
濟源郡領
河陽濟源
溫汜水河
陰王屋六
縣

洛陽郡

王屋縣

濟源縣

王屋縣

熙寧五年
南府來隸

河清縣

開寶元年
移治
白坡鎮

金

天會六年河東南路孟州

濟源縣

以宋濟源

王屋縣

郡復爲孟

州後改河

清縣爲白

坡鎮

太宗六年懷慶路初爲孟州

濟源縣

改濟源縣

懷孟路
延祐六年改

曰原州尋

廢州復爲直隸中書

元

明

國朝

縣至元三省

年以王屋

縣省入

洪武元年屬河南省懷慶府

十月改元

懷慶路為

府

河南布政懷慶府

使司

濟源縣

初隸孟州洪武十年廢州來屬

濟源縣

星野

分野即分星也星野之說歷代不同考之唐書濟源
分野當是室壁稽之明史濟源分野定爲角亢通志
似從唐書舊志却合明史雖昔人有云星野之說得
其大畧而已不必委細然羣言淆惑要藉折衷今仍
舊志而節錄明史於後與舊志亦相合也志星野而
繼以疆域與風俗土宜

濟源縣角亢氏分

漢書地理志韓地角亢氏之分野韓分晉得南陽郡
及潁川之父城定陵襄城潁陽潁陰長社陽翟郟東

接汝南西接宏農得新安宜陽鄭今河南之新鄭及
成臯滎陽潁川之崇阿城陽

唐書天文志營室東王姬訾也初危十三度餘二千
九百二十六秒一太中營室十二度終奎一度自王
屋太行而東得漢河內至北紀之東隅北負彰鄴東
及館陶聊城又自河濟之交涉滎波濱濟水而東得
東郡之地古邙鄘衛是胙邗雍共微觀南燕昆吾豕
韋之國自閣道王良五東壁在豕韋爲上流當河內
及漳鄴之南得山河之會爲離宮又循河濟而東接
元枵爲營室之分

又天文志云角亢壽星也初軫十度餘八十七秒十
四少中角八度終氐一度自原武管城濱河濟之南
東至封邱陳畱盡陳蔡汝南之地逾淮源至於弋陽
西涉南陽郡至於桐柏又東北抵嵩之東陽中國地
絡在南北河之間首自西傾極於陪尾故申光許息
江黃道柏沈賴蓼須頓胡防弦厲之國皆豫州之分
宜屬鶉火氐涉壽星營洛邑衆山之東與亳土相接
次南直潁水之間曰太昊之墟爲亢分又南涉淮氣
連鶉尾在成周之東陽爲角分

明史天文志分野軫十度至氐一度壽星之次也河

南開封府角亢分鄭州氐分陳州亢分汝寧府光州
懷慶府之孟濟源溫三縣直隸壽州之霍邱縣皆角
亢氐分

舊志云按濟源爲周畿內地鄭分與周分互相屬然
濟則從鄭分不從周分周分柳星張濟分角亢至懷
慶府則室壁衛分野不相涉矣

在天成象用管難窺分野之說尤難考訂即如濟源
一邑以爲周地則柳七星張之分野也以爲魏地則
觜觶參之分野也見順治年間濟源縣舊志以爲衛地則營室東

壁之分野也

見雍正年間河南通志

論者曰濟源爲東周畿內

地唐時曾隸洛州今河南一府皆柳星張分而濟源正對洛陽當從周地之說然舊志定爲角亢今更以明史天文志爲証蓋明史成於

本朝信而有徵也春秋之時原絺樊向荐賜晉鄭戰國之初軹屬於韓韓分晉得南陽郡而南陽包有濟地是則仍舊志而遵明史又非無據而云然也

疆域

縣在府治西七十里

東至河內縣界三十五里到縣七十里

西至山西垣曲縣界一百七十五里到縣一百九十

里

南至孟縣界二十五里到縣六十里

通志濟源縣疆域南至河南府洛陽縣界七十里
舊志南至孟津縣界五十里

北至山西陽城縣界四十里到縣一百二十里

東南至溫縣一百里

東北至山西鳳臺縣一百七十里

東南至省城開封府三百九十里

東北至京師順天府一千六百九十里

廣二百一十里袤九十里

形勢

王屋跨底柱之雄濟水滙盟津之派

舊志

滎河爲固北連三晉南迫洛陽

濟源洛陽正對南北

太行北峙沁水東流近滎黃河遠挹伊洛

郡志

濟沁襟流疏導沃東南之利天壇聳秀崇隆鎮西北之雄

風俗

其俗樸野易治

漢書地理志

人民風俗之淳

金大定碑記

風土得四方之正是以習俗好尚奢儉適中

元志

興淳儉之化息奢侈之習

元志

人淳事簡

明一統志

力耕稼而鄙販鬻尚儉約而多壽考

舊志

論曰縣治民風考之歷代志乘皆以儉約淳朴稱是猶有古遺風也蓋濟在周爲畿內地元公經理東都禮陶樂淑故沐其化者自無囂凌之習迄今崇尚節儉不好奢靡而耕讀相傳科甲絡繹登顯仕者代不乏人雖尚氣喜爭不無聶郭舊習而急公赴義則咸知踴躍爭先尤近古者學校最爲尊貴胥役鮮敢與之抗衡但守分循理君子亦當自重

功今森嚴竊恐自侮而人亦侮之願讀書養氣者共勉
焉

土宜

天門冬 蒼朮 黃芩 黃精 桔梗 煤炭

舊志僅載藥物數品且云凡地皆有所產濟邑之產
則雲霞山水遊仙之侶往往畱戀不能去往者又出
仙參烟蘿子得而食之拔宅飛昇說者謂天壇之參
勝上黨參百倍然數十年不一見近則山精何首烏
亦稱仙家之品然山精處處有之何首烏則斲根殆
盡矣蓋濟源多山而藥物產於山者爲多其他物產

則各邑皆同今仍畧而不書非缺也

祥異

天垂象而聖人象之天人感應之機捷於影響明季
辛巳以後風霜星日之變昆虫草木之青駭人聽聞
者不可勝紀然舊志所不載不敢增入也

聖朝河清叠見祥瑞殊多國家將興必有貞祥豈偶然哉
志祥異

魏

景初三年龍見軹縣井中

晉

太始七年沁河溢民舍秋禾多没

後魏

太元十年歲星熒惑鎮星太白聚於觜參

北齊

天保八年蝗

河清元年四月河濟溢

隋

仁壽二年大水

唐

儀鳳二年大旱

開元三年蝗

貞元元年春大饑斗米千錢死者相枕

咸通元年大旱

河內縣界溝村李繼安爲商泛湖至君山得神牒上帝勅下濟瀆行雨云

云命安於濟池旁擊石投之安如其言果大雨

周

廣順二年旬日無鳥

宋

乾德二年蝗

明道三年雨赤雪

天祐四年地震

明

天順三年八月縣東二里產嘉禾

一莖五穗知縣歐廉命里老齋獻

上賜楮幣

白鵲巢於文廟

成化十八年沁河溢 二十年大饑

宏治六年正月有大星殞光芒燭地 冬大雪深丈

餘 十一年斗粟十錢

正德某年有狼自東門入至縣署前出南門

是年回賊至武

進士楊堂死之

嘉靖七年大饑 八年蝗蝻生 三十五年六月沁

河溢

隆慶三年大水

世說永太村有白姐者贅壻於方山之馬氏飽食鼾睡不事耕作馬責之

乃曰旦晚我驅猪龍代耕人皆笑其瘋狂明日荒
也果熟及死見夢於馬云某日時與黑龍爭潭以
白氣候我兵即饋餉助之至期果勝
黑龍占居於方山至今禱雨輒應

萬歷八年蝗 十六年大饑大疫人相食 二十四

年大旱蝗蝻生四月冰雹有大如鷄卵者傷禾及

人 二十七年大旱 三十四年蝗 三十七年

夏大旱無禾 四十一年大水龍誅不孝子張虎

於龍潭塔 四十四年蝗 四十七年大旱無禾

軹城饑民趙英才殺焦聞香以食

天啟元年夏無麥 龍罰留陽村不孝子李彬

崇正元年八月隰澗佛堂內杏樹重花 四年大水

民舍多傾壞流寇始入縣境踞西山 五年秋霖

雨彌月 冬大雪以風溝壑皆平 六年大旱流

寇始南渡河 七年大疫 八年蝗 九年大旱

河水竭牛大疫十室九空 十一年六月蝗 十

一月十七日大霧四塞木介數日不解 十二年

七月十八日龍雷自縣堂霹靂至大門外震死鄉

民牛小兒等二人着壁見爪痕 夏蝗蝻徧山野

擁入廬舍及九月草盡樹赭蝗蝻自相食饑民散

釜炊之以實枵腹 十三年旱饑斗粟二千錢父

子兄弟自相食中產以下多死絕 十四年春大

疫富者不敢葬 四月蝗蝻食麥 秋山坡樹杪
虫長二寸許有絲懸頸如人縊死狀 十五年群
鷓噪於野 十六年十一月東南天鼓鳴群鷄夜
驚

國朝順治三年野雉徧雊 五年夏霪雨三月民舍禾稼

多漂沒山豨始害稼 六年正月初二日知縣孫

爾令詣濟瀆廟有狼衝其輿從兔躍入懷乃逸去

是年姜逆委官
至城下拒之

七年二月二十七日亥時大風

自西北隅摧折林木揭人廬舍無算野禽家雞皆
逸沒空中聞鼓樂聲 十二年五月初三日太白

入月 十三年七月霪雨害稼冰雹有大如升者
承畱村民昇至府署經宿不消 十六年四月北
官莊民盧思忠家雌雞化爲雄獨冠如故 秋月
沁河出七星魚果木多重花 十月初旬場圃麥
秀 十七年二月十四日未時天鼓鳴東南 三
月初七日天壇倒影

康熙元年桃再花 二年慶雲見 六年正月二十
八日地震 七年六月地震 八年九月初三日
縣民李邦純妻一產三男有

旨給米五石布十疋 十一年七月初一日飛蝗來十六

日西去 十八年七月二十八日地震 十九年

桃李再花實 二十年春大風拔木 歲大饑北

山出石棗饑民食之以活 二十一年春大旱

二十二年黃河清 二十三年七月地震 黃河

清白坡以上三十里凡三日 二十四年嘉禾生

瑞麥五岐或三岐二岐不等共數十本 二十七

年春大旱 二十九年旱麥皆焦枯濟水竭 三

十年大旱 三十四年四月初六日地震 四十

七年大旱

詔蠲本年田租 六十年大旱

特恩煮粥賑濟蠲免田租有差 六十一年秋蝗食禾殆
盡

詔賑濟有差

雍正二年二月日月如合璧五星如連珠 四年十

二月黃河清 五月七月大雨沱水漲 六年嘉

禾生 七年嘉禾生

乾隆八年秋旱成災蒙

恩散賑蠲免田租有差 九年大有年 十五年三月二

十九日雨雹 是年麥生異類 軋民採麥一本數
岐岐細如線上有

房作三瓣子黑色又有
麥房生子狀如遊珠 七月十二日雨雹邵原

等處傷禾殆盡 是月柿重花結實如初 十七
年四月雨雹 十八年秋淫雨 二十五年大有
年

濟源縣志卷一終

濟源縣志卷二

山川

邑以濟得名王屋見於禹貢而道書以爲第一洞天
濟之山川非他邑所能比也古蹟最多豈無傳會地
以人重則不可泯焉陵墓無遷徙寺觀有廢興而其
傳與否亦必以人懷古者所爲慨然而增歎也哉志
山川而繼以古蹟與陵墓寺觀

王屋

在縣西一百二十里山形如王者車蓋故云絕頂

有壇爲軒轅祈天之所故又曰天壇歲豐則有五

色影現邑入景天壇倒影其一也其巔夜半可望
日出劉禹錫詩云陽洛天壇上依稀似玉京夜分
先見日月靜遠聞笙壇邊有御愛松似萬年間物
王母洞即清虛小有洞天第一洞天也西崖下爲

太乙池即沈水為神禹導濟之自以其極高歷代
勅祭其上殿宇輝煌順治間焚毀邑紳李生榮率

衆重脩

太行山

在縣北二十五里山勢綿亘數千里雖各因
地立名其實皆為太行禹貢太行恒山至於
碣石按河北之山有三條西為中條中為王
屋東為太行或云以沁水分界西為王屋東

為太行未
知是

析城山

在縣西北九十里四高中凹其形如城上有
成湯廟人呼聖王坪禹貢底柱析城至於王
屋即此

小析山

在天壇西北去縣一百二十里析城之前上
有成湯廟歲大旱則禱於斯一統志云在縣
東北二十里似有錯

玉陽山

在縣西三十里唐子真公主備道於此西曰
西玉陽亦其棲息之所蘇子瞻詩有不斲弄

誤通志府志作小析

王騎丹鳳應逐姪
娥駕老蟾之句

金爐山

在縣西北五十里為縣龍發脉之自明嘉靖末孫賢張隆苗森建廟其上田真人登仙處

禪堂山

在金爐頂後披榛而入洞窟深邃四圍峰高障日海堂垂覆清秋花開望若雲錦

佛山

在縣西南三十里泥海西

聖佛山

在縣西一百七十里

君山

俗呼龍君祭在縣北三十里後為雲田山

孔山

在縣東北二十五里水經注云山上石穴洞開穴內石上有車轍牛跡者舊傳云自然成者非人功所就也白樂天詩孔山刀劍立沁水龍蛇走通志云孔山有穴南北相通遠近洞見

孤山

一作秀山在金爐山前一以其獨秀故名

武山

在縣西北十二里上有九仙聖母廟遠近祈子者多靈驗每甲子日連袂登山絡繹如雲隋地志云母山疑即此也順治十六年鄉耆段國瓚重修

共山

在縣北十里

方山

在縣西南四十里有龍潭禱雨輒應

陵山

一作靈山在縣西十里平原突起孤峯每日將落光輝遠射故有陵山夕照之景蘇東坡有詩

見藝文志

嶺山

在縣西南二十五里有石覽巖因名

金山

在縣西南十五里山勢延袤南至黃河東至孟縣蓋秦嶺之麓也

琮山

在縣西北三十里四平口泥水出焉其東為功德岩

硯山

在縣東北十五里

鐵山

在天壇西

麻籠山

在天壇北縣西一百三十里

藥櫃山

在天壇西縣西一百五十里山名藥草故名

糝盒山

在天壇西形如糝盒

花朶山

在四平口內

姑嫂山

在武山後兩山相背溪水中山流山西有水名深濟河

五指山

在縣西北五十里五峯如指直

西釜山

在縣西二十里形似釜故名

白澗山

在縣東北二十里有懸泉瀑布

金櫃山

在懸泉寺東

王峯山

在懸泉寺西

鳳頭山

在縣北五里象形

熊山

在藍谷後縣東北三十里三面沁水西峯獨秀

牛心山

在縣西三十五里五指河口前狀如辰星

猴嶺山

在縣西北五十里一統志云以其上有狽猴麓因名俗呼猴景山北齊神武圍玉壁別命

侯景趨齊子嶺屯兵於此故名

羊絡山

沁河北諸山皆是唐人有詩皆

胡峩山

在天壇西縣西一百四十里山勢差峩居人多胡姓故名

日精峯

在天壇東

月華峯

在天壇西

五斗峯

在天壇北若屏宸狀上
有老君堂人跡罕到

華蓋峯

在天壇前陽臺宮後
宋徽宗遊幸之所

砥柱峯

在天壇東

秦嶺

在天壇東縣西五十里端嚴尊重為邑之鎮山
一名齊子嶺高歡宇文泰爭戰之界因伐齊遺

韓明守此當時
戍壘猶存

大羅嶺

在天壇後
羅遠如城

八仙嶺

在天壇東

八柱嶺

在縣西九十里陽臺宮前

九芝嶺

在陽臺宮前
縣西九十里

韓王嶺

在縣西北
四十里

孤嶺

一名虎嶺在縣西
三十五里見府志

獅子嶺

在盤谷
東南

駱駝嶺

在盤谷南

蒼龍嶺

在共山西又天壇一
天門外亦曰蒼龍嶺

金莎嶺

志云在縣南二十五里一統

箭括嶺

在沁

夫子巖

在逢石有夫子暨十哲

古河巖

在盤谷東燕川里沁河之

功德巖

在盤

枋巖

在縣東北二里俯臨

瀑布巖

一在靈都宮北下有鳴鐘潭人多題咏一在喜兒溝香巖寺東東西山勢對峙如城關然

尚書谷

在王陽

盤谷

在縣北二十里韓文公送李愿歸盤谷即此今依山為盤谷寺林泉幽秀有盤谷晴煙之景

天井谷

在盤谷西北石上有數坎其深若井水自上溢相接而落遠視若倚劍然韓愈詩是時新晴天井溢誰把長劍倚太行衝風吹破

蟠桃坡

在紫微宮前
小有坡 在縣西六十里潤河西舊志作小魁

高棚坡

在縣西一百二十里即邵原山

高榭陂

在縣西百里其地多產榭樹見通志府志

仙姑頂

在王陽東西兩山間尖峰獨出
十八盤 在天壇下盤旋

王母洞

在五斗峰前其洞深邃莫測洞淵集云周一萬里清虛小有之天三十六洞天中第一洞
杜詩萬古仗池穴潛通小有天即此一洞
志云元歲時投金龍玉簡於此昔聞夜有

仙燈故王母仙燈亦為一景

平陽洞

在西王陽山唐睿宗第九女昌隆公主修道於此改封玉真公主號萬華真人明皇題其

額曰平陽洞府小有仙臺別署其門曰靈都
觀詳見天寶二載道士蔡瑋所撰碑文碑係
上柱國蕭誠書已摘錄其詞載仙釋志

桃花洞

在沁河北

仙貓洞

在天壇山上

又王屋漢洞王屋唐洞爲古棲真之所洞後有石
梁由此達八仙嶺又千佛洞在縣西蒲張里其洞
高廣深邃內有繪畫佛像千餘並見郡志

太乙池

出天壇西崖下禹貢曰導沅水東流爲濟山
海經曰王屋之山灑水出焉郭璞曰灑沅聲
相近即沅水也至共山南復出于東卯今原
城東北有東卯城按沅水初出王屋爲太乙
池潛流地下至縣北復出爲濟有東西二源

又有煉丹池仰天池白龍池白虎池並見通志府

志

濟瀆

在今縣北三里許水經注導沅東江于此既伏而見平地水有二源按西源出原城西今呼龍

潭其水東北流逕濟瀆廟南東源出原城東北其水東流至濟廟東與西源合又東北合北水

亂流東南分注為二一枝津注于洪一東南流出于溫皆故道也以其獨清故河朝不為眾

水濁亂故曰瀆今按北泉塞別出

黃河

在縣南四十里自山西垣

沁河

在縣東北三十里自山西澤

淇水

水經注出原山勳掌谷俗謂之白澗水通鑑綱目注其源有三今按一出姑嫂山南紅嶺逕澗

北村西武山南一出五指山下紙坊會靈都宮寐

南俱至官橋村西北地名三河口匯為一川逕縣城南東流與滌水會又東南入于河春秋襄

公十六年會諸侯于泃梁晉成都

王頴擊敗趙王倫于泃水即此

泃水

明一統志云出縣西四里今按源出莽山其水或斷或續至雙全寨始盛出琮山口穿石暗流

至勳掌村東乾沒溝渠中又東至縣西石露頭東水始洶湧逕縣西城下蜈蚣泉之西遠流城

北又東南流入于泃水經注出原山勳掌谷網目注出琮山即此古謂之泃今謂之泃

同水

一在濟出金莎嶺北崖下逕張金東一在孟縣出金莎嶺南驟家溝俱東北流至林泉村相合

又東逕冶城白騎塢今呼冶牆白牆又東流注于泃水經注出南源下即此

濛水

源出王屋西山濛溪東逕避秦溝南今呼澗河西南逕大峪偏看二村又南流入于河水經曰

河水西會濛水漢光武遣王梁守濛關即此別作淇水誤

湛水

水經注出軹縣南湛溪南逕向城東而南注又東南逕湛城東又東南逕鄧南流注於河故河

濟有鄧津之名矣

漫流水

水經注出軹關南東北流又北注于漫謂之漫流口今按漫流有二一出花石偏崖溝逕

塗溝水

水經注出軹縣西南山下北流東轉入軹縣故城中又屈而北流出軹郭又按軹城西北

天漿溪

水經注出軹南畢向城北在畢上其水有二源各出一溪東北流合為一川今按軹南有

四澗水一出紅土溝一出怪潭俱東北流逕鍾公壘東南五里許有天漿村南有謝封溝水北流至綺里村東

望仙溪

在縣西八十里源出王屋山之北其水伏流南入于河

馬頭溪

在馬頭村即濟水下流

錦溪

在金莎嶺東舊有園亭唐白居易詩蓮房墜粉鴛鴦雨荷蓋交香翡翠風即此

寶家溪

在鐵岸北宋王公孺詩有李郭名園寶氏鄰傅林花竹遠相親之句

西陽澗

在縣西北南逕下馬村入于河

東陽澗

在花園溝西北與鐵山河異泉而卜流至官莊相合西南逕逢石又南入于河

大峪澗

在縣西北七十里源發王屋山南入于河見府志

玉川泉

在縣東溟河北唐盧仝嘗汲水烹茶亦名于泉又稱玉川井又玉陽以東皆爲玉川故縣

珍珠泉

在濟池東泉水湧如貫珠故名

五色泉

在縣北寶家溪南泉下有五色沙石唐温造別墅在焉通志云相傳有異人濯五色綺于此水成

鑑泉

在鐵岸寶家溪南俗呼琵琶泉

拔劍泉

在濟瀆池東北世傳仙人王喬拔劍于此故名有題咏

葫蘆泉

在濟池西

蜈蚣泉

在西城根畢上每澌水泛漲勢若吞城賴此泉鎮之不為害龜筮傳云騰蛇之神殆於蚺

義也

蒙泉

在枋口內

甘泉

在大谷

鳳跑泉

在碑子村唐寧王避暑有鳥數百集此泉水湧出

龍泉

在蓼塢

麻姑泉

在靈都宮東

金蓮泉

在靈都宮北有題咏

不老泉

在洗參井北

天壇靈泉

在十方院側為勅封靈佑襄濟黃大王所創王輩人天啟五年遊王屋先是院艱於

水王至衆求之王以手指地鑿之佳泉湧出

平泉

在堰頭

又雙月泉二色泉並見通志郡志

避秦溝

在王屋山東南爲四皓避秦之所一名遠塵溝

七谷溝

在縣西一百三十里七山之水皆合于此見通志府志

花園溝

在縣西一百里

竹園溝

一在原山鄭家坪一在南山漿里

藥園溝

在縣西一百五十里

鼉錯灘

錯從學于軼人張恢家漢景帝時據馬負圖補志在今芮村東南

柳灘

馬住灘

二灘俱出黃河中民居其上

枋口

沁水逕北秦以枋木爲門故名晉司馬孚壘石爲之又名沁口有景謂沁口秋風人多題咏

馬渚

在坡頭西魏爾朱榮奉孝莊南討元顥至馬渚將軍楊擲具船以濟王師即此

鐵岸

在縣北二里濟水北岸龍翔宮西平地溫泉中石峰陡出體質鏗鏘周圍丈許根深莫測

龍翔宮亦名鐵菴邑紳段綿祚題額又有鐵山亭
皆因鐵岸得名孝廉周廷佐題一聯云半潭碧水
澄心性一幅青山橫古今爲邑令董公所賞識亭
之創造與脩葺皆廷佐先人之力也

古蹟

芮侯采邑

即周芮伯
在今芮村

毛公采邑

即周司空在
今毛田村

召公采邑

在邵
原南

薄昭采邑

在軹城漢文
帝元年封國

王屋縣

在縣西八十里周召康公采邑字
文周置縣唐宋因之元省入縣治

燕川縣

在縣北
十三里

河清縣

在縣西南五十里唐置屬洛州宋
屬洛陽郡元主伯河清渡河即此

西濟州城

府舊志云在縣西北唐置跨城東垣稍北乃唐以來濟源舊城也

原城

在縣西北四里今呼為原村夏后杼居原周武王封弟原叔晉文公伐原示信即此今濟源西

龍潭東北有遺址存焉水經注云俗以濟水重源所發因復為之濟源城

向城

闕志曰軹縣南山西曲有故向城即周向國也詩作都于向左傳桓取向以與鄭竹書紀年

云鄭侯使韓辰歸晉陽及向更名高平括地志云在懷州古河陽縣西北四十里

絺城

水經注淇水又東北逕波縣故城北漢高帝封公上不害為侯國漢書地理志波有絺城左傳

王與鄭絺即此

長城

在軹閼南秦嶺橫亘俯澗摩蒼頗稱天險城因山作壁補其罅漏聯屬而南直抵黃河約長百

里史稱齊河清二年詔斛律光率步騎二萬於軹關南築長城二百里置十三戍即此今遺址

尚存

軹城在今縣南十三里春秋戰國時為國秦漢為縣唐貞觀元年省入縣治遺址存

曲陽城水經注陽即樊也在今縣西南十五里乃周樊仲山居邑春秋樊氏叛惠王使毓公伐樊

執仲皮歸于京師國語云周襄王以陽樊賜晉文公陽人不復晉圍之後用蒼葛諫乃解

即此府志又載

沁水城在縣東北沁水南沁臺西漢時置今呼王寨城水經注云沁水出山過沁水縣北即此

東印城水經注在

栢崖城在今栢崖底唐王世充以懷州僑治此城宋白曰河清縣有栢崖城侯景所築

淩陽城在縣東淩河北疑即今苗店以上二縣俱唐武德二年置四年廢

勳掌城在縣西北二十五里一作訓掌魏高歡築以禦白魏

湛城址水經注在
新城址在今封門鎮南

裴通城

在縣東南二十八里

邵原關

在縣西一百里今為邵原鎮即舊邵亭詳載於後

軹關

在縣西四十里兩山相夾勢頗險阻戰國時置又北齊懷州刺史平鑿脩築以捍西魏文宣帝

以深入敵境欲棄之後用潘樂計乃更防固置戍焉

濼關

疑今大店水經注濼水夾山東南流逕故城東即濼關也西屈逕關城南歷軹關南逕苗亭又

東注于河漢光武遣狐嶺關洪武初建懷慶衛王梁守濼關即此

鍾公壘

水經注湔水入東逕鍾王村魏文帝時太傅鍾繇壘舊志云在今鍾王村魏文帝時太傅鍾繇屯兵于此故名

桃園

在不老泉北仙經張果老園即此

沁園

在沁河北岸

吏隱園

即今縣治舊三善軒扁額有唐元和年記

會春園

在沁河北岸五代周顯德中置

李橋園

在王屋山側有詩

司空園

一名樂餘園在東門外沁河北岸司空段國璋建

靈園閣

在濟瀆上即水殿時人拋香醜酒于此

苗亭

春秋苗賁皇采邑在軹閼南

邵亭

在縣西一百里後漢地理志云有郟邵之阨春秋賈季迎公子樂于陳趙孟殺諸郟邵即此今

名邵原闕

軒轅亭

在縣西天壇頂世傳軒轅于此更衣又名換衣亭

房公亭

唐元宗時瑄為濟源縣令建故在濟廡西查唐書瑄本傳無為濟源縣令之事姑存之以俟考

裴公亭

在濟池東歲久傾圮段國璋妻裴氏湖其世系構新之無名氏詩裴相亭成未退身空煩

舞袖與歌塵至今亭下蕭蕭竹似對西風怨主人

青龍亭

在濟濟廟後

萬柳亭

在縣西溪水北岸唐白居易詩獨立蒼茫殘照外落花飛絮點人衣即此

望懷亭

在縣東北三十里下臨坊口唐賢游咏之所

牛坩別墅

在今牛家社

盧仝別墅

府舊志云在縣西北二十里石村之北烹茶館在焉王川有歌

石晉別墅

在今石村後五代晉高祖微時居此一云在縣西六十里韓村社俗呼為特進莊敬

塘為河陽節度使時置

傅堯俞別墅

在盤谷見府志

蕭俛舊墅

免為唐穆宗相移病歸老治墅濟源城西自放山野優游窮年有題咏

徐公故里

在舊青龍里

蓼塢

在縣西南西魏將楊擗攻破塢獲東魏李顯處

藏花塢

在陽臺宮西南八里

懋鶴臺

在王陽東山上世傳王子晉駕鶴懋此

沁臺

在縣東北三十里為裴相故園俗呼臺坡

夜香臺

在香山寺西宋陳省華妻馮氏焚香夜禱不求金玉富惟願子孫賢後三子一婿皆登進

士為宋名臣馮氏封肱國太夫人或曰在今四狀元祠內李源遊龍潭記云今城北里有夜香臺臺址尚存

岑參青蘿齋

在今青蘿河有題咏

四令堂

在延慶寺西院為陳省華父子四人建宋司馬光有記

又四令祠

在縣治東康熙年

草堂

在濟廟西宋傅堯俞建司馬光詩林間清濟水門外不行車游賦討先生卜築臨清濟喬木而

今似畫圖俗呼其遺址為傅家園

思賢堂

在縣治內元至元間縣尹劉源建

溫處士莊

在河清溫造隱王屋山人號其居曰處士墅又稱處士莊

玉碑子

疑即今碑子村唐盧仝有哭玉碑子詩文

平鑿靈井

在縣西四十里東魏時敵攻軹城內井涸懷川刺史平鑿具衣冠祝之泉湧出故名

鹽井

在縣西北村里水常不涸

梁貞投檄井

在原昌事見名宦

煙蘿子井

在陽臺宮東側煙蘿子得仙參于此洗之合宅飛昇又名洗參井亦稱燕家井

段公井

在官莊邑紳段國瑜施地掘井以濟行旅土人因名之

陵墓

唐廢帝陵

在濟廟後後唐潞王墓此府志稱五代清泰帝陵

芮伯墓

在芮村

聶政墓

在軹城南

綺里季墓

在綺里村

張禹墓

在縣西門外

鄧禹墓

在隴東南湨水岸鄧禹南陽新野人而墓一在太康一在濟源考之本傳俱無明據通志

亦兩存之蓋
闕疑之意也

劉將軍墓

在河清秦嶽廟西按東漢建武中有五劉將軍三驍騎將軍植喜歆一驍騎將軍陸

一武威將軍
尚未知孰是

邳邳墓

在天漿村西南

巨無霸墓

在綺里村東北

屈突通墓

在勳掌谷東麓或云在今屈塚村南通為西濟州都督因墓焉

王真公主墓

在土陽萬壽宮西

裴休墓

在縣東北裴村西

徐有功墓

在縣東舊青龍里

令狐楚墓

在縣西北劉紹谷楚為河陽節度使濟乃舊治故墓於此

溫佶墓

在左家山舊志以為佶子造墓今從墓表改正

盧仝墓

在武山頭

李愿墓

在盤谷下

裴通墓

在今裴城北

賀蘭棲真墓

在奉仙觀東

傅堯俞墓

在龍潭塔西北

許侍郎墓

在縣治東南沈溝有后獸存焉

雷都督墓

在鍾公村南

完顏尚書墓

在訓掌西南山下無攷

九塚

在南榮東俗傳漢光武收河北時大將葬此今無攷

于少保墓

在禮莊有碑記

董御史塋

無考

史國公墓

在范石村年代無考

李典史墓

在東門外段侍郎園之東順治二年典史印光明立碑康熙二十九年典史馬為鑿

重修乾隆年間邑令董于墓前壘石極完固

寺觀

洪福寺

在城清源坊金大定四年建明正統四年脩

長興寺

在西許里河清四年建

大明寺

在東南城西南

化成寺

在枋口內三里即唐相裴休讀書處唐咸通四年奉勅建

延慶寺

在龍潭即陳堯叟兄弟讀書處有四合堂濟水西源見此龍潭夜月亦為一景

報恩寺

在馬頭明洪武元年建

圓明寺

在勳掌

商山寺

在商山今花石村東南以石皆五色故名

鎮安寺

在勳掌

興福寺

在西陽里

聖佛寺

在北官莊東

大聖寺

在毛嶺

古佛寺

在金鵝

石佛寺

在休昌

靈山寺

在靈山

香巖寺

在枋口東北愁兒溝內

盤谷寺 在盤谷

雲岩寺 在濟澗北

玉泉寺

懸泉寺 在東白澗口內

甘泉寺

在大峪泉出山崖有遠砌琴聲一溪寒王之勝

龍泉寺

一在蓼塢水聲滴瀝竹色掩映亦名區也一在綺里村

興隆寺

靜林寺

彌陀寺

靈通寺

延福寺

金簪寺 在孤山寨西

大窩寺

天慶宮 在濟瀆廟西隋開皇四年建

陽臺宮

在王屋里唐開元二年仙人司馬承貞建元至正七年道士王德祐脩

紫微宮

在王屋山麓宋紹聖元年增修大德七年脩明天順元年增修

靈都宮

在石村里尚書谷口唐天寶二年建

龍翔宮

在堰頭里元皇慶元年建已見古蹟

太清宮

在清源里元至順四年建

清虛宮

在王屋山東南去天壇二十五里

奉仙觀

在城北半里唐垂拱元年建宋仙人賀蘭棲真修

長春觀

在城西北半里

懸泉觀

在天壇

虛皇觀

在天壇

清真觀

在鍾公鎮

洞雲觀

一在蓮東里元至元二年建一在嵩頭里元至元五年建

龍泉觀

在趙村

會仙觀

在孫村里

清樂觀

在官莊里

長生觀

在曲中里元中統二年建

嶽雲觀

在水運里

玉皇廟

在王屋山天壇明何瑋有記畧云宏治六年張太素等由山西來結茅壇頂以玉皇

無殿不稱名山本意乃夷除阻剪荆棘築土
為殿覆以鐵瓦鑄為銅像經始于宏治十二

年正月落成于正德三年九月
乾隆五年知縣董榕重建

禹王廟

在縣東見

湯王廟

一在縣西門
外一在訓掌

孔子廟

在縣西十五里
初任河陰縣教諭

宣聖

五十五代孫希賢明
卜居濟源天啟七年始立

廟于三河村南木朝康熙二十八年衍聖
公奏給奉祀生員孔興祚等十二名舊志失

載今據生員孔興麟
等呈請入志謹書之

關帝廟

一在東街一在
堰頭各村多有

五龍廟

在五龍
口西

太山廟

一在鍾公鎮一在河清西黃
流迅激蒼栢環衛有金元碑

岱嶽廟

在訓
掌

二郎廟

在南門
外西

東嶽廟

一在北門外一
在河清舊縣

聶政廟

在城南

濟源縣志 卷二
聖水廟

舊名玉泉祠今稱永仙聖母廟在東門外滌河北樂餘園之西南

九仙聖母廟

在武山

衛夫人廟

在許村各村多有

香山謚母祠

在城北里許元延祐二年建

濟源縣志卷三

建置

城池以衛民而公署以聽政學校倉廩則教養具焉坊表亦人所瞻仰者也市鎮里甲之間熙熙攘攘而舖遞之設以詰奸宄幸生

太平無事之時關不征而梁無禁橋頭渡口行旅遄臻爲政者百廢具興可謂盛矣邵原湟梁其名最古見於古蹟懷古者有遐思焉舊志云衆志成城又雲端表樹於君子懷生聚於野人此又外史氏所深爲慨慕者也志建置

城池

城周圍五里二百五十步池如之城高二丈五尺池深一丈濶二丈五尺隋開皇十六年建明景泰四年知縣李珩增築成化十九年重脩崇正十一年知縣盧時昇甃以磚石

見河南通志

國朝以來時加脩葺今猶完固

城制四門南北西皆正向獨東門闢向東北隅

公署

縣署在城中宣化街正北隋開皇十六年建明洪武十年重脩嘉靖年間知縣李資元復加脩葺明末闖

賊焚毀

本朝康熙二十五年知縣尤應運重建

大門 三楹

二門 三楹

大堂 三楹

捲棚 大堂前

二堂 三楹

三堂 宅門東

庫房 二堂西

東西贊政廳

東西吏書房 大堂兩旁各十二間

後宅中廳 三楹

堂樓 五楹

東西樓 各三楹

東西書房 各三楹

東西廚房 各三楹

羣小房 十八間

寅賓館 二門東

鐘樓

在縣西北康熙二十二年知縣尤應運重脩

鼓樓

在大門東

射圃

在衙署東

申明亭

在縣治西

縣丞衙

在縣廢

典史衙

在縣治東

陰陽學

在宣化街東

僧綱司

在洪福寺西

鄉約所

在縣治東

舊有布政分司按察分司俱在崇寧街北即東西

監獄

在二門西

旌善亭

在縣治東

主簿衙

在縣廢今其地爲駐防把總官廨

巡檢衙

在邵原鎮

醫學

在宣化街東

道綱司

在城隍廟西

演武場

在西門外

察院今廢又有府館驛在縣治東亦廢

學校

學宮

乾隆九年知縣陳愷重脩大成殿十九年知縣許本與教諭劉詡同邑之紳士何兆瑞段鴻文何樂善李經國衛時動等改造崇聖祠並東西兩廡及戟門泮池與聖域賢關騰蛟起鳳各坊表又創建神厨三間周廷佐作記教諭劉君以泐官而捐助石金爲倡始亦大有功於學校

明倫堂

縣治東南明萬曆甲寅知縣石應嵩重脩本朝康熙庚寅知縣俞沛復脩歲久漸就傾圮乾隆庚辰知縣蕭教諭周訓導孫暨邑紳士公捐大加脩葺并于堂之左右添建書室

多間

博文齋 約禮齋

久廢乾隆庚辰重建

尊經閣

在明倫堂後康熙五十年前令俞沛建乾隆二十五年邑令蕭重脩

教諭宅

在明倫堂後乾隆二十年五年教諭周重加脩葺

訓導宅

在文廟東乾隆二十一年訓導賈再至重葺講堂

鄉賢名宦祠

康熙四十七年知縣俞沛移建

文昌閣

在正東門明萬曆四十五年知縣徐允陟建本朝康熙二十二年知縣尤應運重脩

雍正十三年邑之紳儒何兆祥段元文等重建何達善爲記

附

文星塔在東南城角崇貞十四年知縣楊于階

建舊有硯瓦池在塔南城外相距僅數武

魁樓

在文廟東南明萬歷間知縣王芳建本朝乾隆四年邑紳何兆祥劉楷募捐重脩

啟運書院

在西門外明知縣史記言建本朝康熙五十四年知縣余尚鈺重建

尤公書院

在東街康熙二十七年建公諱應運字天階福建拔貢康熙十九年蒞濟善政多端

陸任去士民

立祠祀之

甘公書院

在縣治東康熙三十八年建公諱國輝字

政多端調山東汶

上邑人為立生祠

俞公書院

在梨林村康熙四十七年建公諱沛字水

心浙江監生康熙四十三年任調河內令

士民懷之立祠孔道後為義學歲久傾圮

乾隆二十五年邑令蕭與數村紳士公捐

葺脩

義學

一在宣化街東邑令陳性題一聯云欲從雲路

春開徑還是香臺夜讀書一在梨林村

學倉

在宣化街

東今廢

倉廩

附養濟院普濟堂育嬰堂

常平倉

在縣治東

義倉

在軹城各鎮

前明知縣李資元石應嵩先後重脩

新倉

在縣治後雍正四年添建倉廩三十間在舊倉東六年添建四十八間在常平倉南乾隆三年

添建二十一間在新倉東

養濟院

在東門外明知縣路宗商創建

普濟堂

在崇寧街雍正十二年奉文建造

育嬰堂

在縣治東雍正十三年知縣顧華建續經停止乾隆二十五年邑令蕭率同紳士公捐收養嬰孩並加建堂屋二重另爲之記

坊表

聖諭坊

在縣門內

親民坊

在縣門外

騰蛟坊

在學門東

起鳳坊

在學門西二坊進士璩廷祐修

天衢雲路坊

在學門前明萬歷二十年知縣石應嵩重修乾隆四年邑

紳何兆祥劉楷募捐重建

文禮坊

在雲路坊正南

清源坊

在縣治西

慶豐坊

在縣治南

崇寧坊

在縣治北

丹桂坊

為舉人孔郊建

步雲坊

為舉人郭於建

魁英坊

為舉人孫震建

經元坊

為舉人謝智建

鳳飛坊

為舉人吳廷桂建

啟秀坊

為舉人王紀建

奎光坊

為舉人李拱建

錦衣坊

為指揮魏大經建

父子兄弟科甲坊

為侍郎段國璋建

從容就義坊

為節婦于氏建寇焚

貞節坊

一在南街爲節婦段氏建一在西街爲節婦侯氏建一在東街爲節婦張氏建

彰善坊

乾隆六年巡撫雅公爾圖檄令州縣建造濟邑之以善行列名者封君何兆祥康生周仲

質等共十餘人

孝義坊

在縣署東乾隆壬申年奉旨爲何兆祥建

市鎮

四門

濟廟

各鎮

官莊

鍾公

軹城

留養

南姚

成村

苗店

訓掌

王屋

西陽

里甲

原舊二十一里每里分爲十甲至乾隆六年順莊改爲二十一圖每圖分爲十社或九社

樂安鄉

軹城圖共十社

中公圖共十社

張金圖共十社

堽頭圖共九社

水東圖共十社

沁陽鄉

水運圖共十社

二程圖共十社

大河圖共十社

王寨圖共十社

堰頭圖共十社

王川鄉

勳仁圖共十社

龍潭圖共十社

南姚圖共十社

杜村圖共十社

清上圖共十社

清下鄉

清下圖共十社

崇慶圖共十社

在城圖共十社

金留圖共十社

邵原圖共十社

西陽圖共十社

附舊里名

趙村

李莊

蔣村

苗店

以上舊樂鄉

安村

曲中

城北

蓮東

永程

南程

遂村

以上舊沁陽

白澗

荆王

馬頭

王寨

上原

西許

郭信

燕川

以上舊
玉川

崇寧

承流

馬住

慶豐

以上舊
清下

趙寨

安樂村

蒲張

東陽

逢石

陽安

長泉

以上舊
清上

鋪遞

總鋪

縣治
前

廣化鋪

縣東十里
壩頭村南

郵亭一

梨林鋪

縣東二十五
里梨林村

郵亭一

軹城鋪

縣東南
十里

郵亭一

張金鋪

縣東南二十五里

郵亭一

關

邵原關

縣西一百二十里舊邵亭

邵原關有巡檢司署康熙二十九年巡檢傅登吉重脩已見公署

梁

湫梁

城東南半里許左傳諸侯會於湫梁爾雅梁莫大於湫梁

橋

望春橋

舊名通濟在縣東門外金大定十七年縣令夏提創建明萬曆十二年知縣王芳重脩

本朝康熙五十八年邑紳段志熙重脩

亞橋

在縣東五里亞橋村
明正德十一年建

臨濟橋

在濟瀆廟南嘉
靖二十四年建

永濟橋

在堰頭村東
康熙二十四年建
本朝

斗門橋

在碑子
村北

鍾公橋

在鍾王村東
明萬曆三十五年趙村民郭
學等創建
本朝雍正八年楊冲斗補脩

乾溝橋

在張金東
明崇正六年建

仙靈橋

在瑞村南
雍正十三年邑之善士李國
安石象乾等募建
邑紳何達善有記

雙龍橋

在鐵岸鎮北
乾隆五年四月重
建
董其事者劉元吉等五人

花石橋

在龍潭
寺前

樂安橋

在官莊
乾隆十二年王文會等率
眾捐貲創建
石橋歷十年而竣事

渡

省莊渡

在省莊
沁河

南陳渡

在南陳
今廢

關陽渡

在關陽
今廢

河清渡

在舊河清縣
以上黃河

舊志曰濟邑盛時入其闔閭棹楔相望行其野鷄
犬之聲相聞而非所論於焚掠之餘已舊坊十有
四今存四舊志五十里今併二十有一里端表樹
於君子懷生聚於野人非仁人安歸乎

論曰縣之改名濟源自隋開皇十六年始也城池公

署俱於是時創建隋以前土宇分裂濟地常爲戰區
石虎慕容垂之世軹關太行爲用兵出入往來必由
之道周齊分界尤爲重險斛律光築勳掌城而周文
遣將由齊子嶺趨軹關戰爭蓋無虛日自隋唐混一
之後歷五季宋金元明盛衰不一迨明之末遭流寇
肆毒焚燬蹂躪城池廬舍蕩爲邱墟千餘年來未有
若是之慘烈也

聖主龍興驅除底定然後官師廨署稍稍脩葺百餘年來
休養生息物阜民蕃一應建置或奉

詔旨特脩或由官民義舉備記年月非以誇耀亦使知今

日之文物聲名皆幸生

太平無事之時不敢忘所自耳